

punctatæ, sed nigro-spinulosæ. Dorsum abdominis nigrum. Antennæ breviusculæ, corpore dimidio tantum paullo longiores, articulo secundo pronoti basi brevior. *L. pratensis* L. (+ *L. campestris* L. et *L. punctatus* ZETT.)

- AA. Antennæ breves, dimidio corpore haud vel parum longiores, articulo secundo pronoti latitudine basali brevior, crassiusculo. Rostrum coxas intermedias attingens vel nonnihil superans. Hemelytra fortiter punctata. Dorsum abdominis nigrum. Femora apice plerumque nigro- vel fusco-biannulata. Tibiæ impunctatæ, anticæ muticæ. Victus in Umbellatis. Subg. 3. *Orthops* FIEB. Contpectus specierum mihi cognitarum:

- a. Cuneus testaceus, apice nigro. Antennæ articulo secundo ultimis simul sumtis distincte longior. *L. (O.) Kalmi* L. (+ *flavovarius* F.) et *L. (O.) conspurcatus* REUT. n. sp.

L. (O.) conspurcatus REUT. n. sp.: Caput basi pronoti vix duplo angustius, testaceum, lineis transversis margineqve elevato verticis fulvis. Pronotum fortiter et sat dense punctatum, testaceum, limbo basali, ipso margine excepto, sat anguste nigro-fusco. Scutellum nigro-piceum, vittis tribus longitudinalibus apiceqve testaceis. Hemelytra sat subtiliter punctata, testacea, margine scutellari apiceqve piceis. Corium apicem versus piceo-conspurcatum. Cuneus apice piceo. Dorsum abdominis apicem versus picescens. Pectus testaceo et ferruginco-variegatum. Long. tantum $2\frac{3}{4}$ m.m. (Specimen descriptum mutilatum, antennis pedibusqve destitutum). ♂ fronte oculo maximo angustiore. Habitat in Biskra Algeriæ, D. LETHIERRY.

- aa. Cuneus viridis, apice sæpe anguste obscuriore. Antennæ articulo secundo ultimis simul sumtis æquvilongo.
- b. Membrana fusco-notata. *L. (O.) pellucidus* FIEB.
- bb. Membrana fere tota innotata. *L. (O.) transversalis* F. (= *Pastinacæ* FALL.)